

近代中國史料叢刊續編第七輯
沈雲龍主編

乾嘉詩壇點將錄

(附：嚴長明：秦雲擷英譜)

葉德輝重刊

文海出版社
有限公司印行

WT 230 / 1102

乾

嘉

詩

壇

聖

將

銀

劉
銀

果

光緒丁未九月

長沙葉氏刊

乾嘉詩壇點將錄序

夫筆陣千人必謀元帥詩城五字厥有偏師故登壇而選將才亦修史而列人表遂覺星辰可種借其說於九百虞初將使風月常新和其聲於三千雅頌或蓋棺而論定或蓋簪而勿疑或廉藺之無猜或尹邢之不避爰效東林姓氏之錄演爲西江宗派之圖嗟乎雙淚墮南州叔子不如歌妓一尊傾北海中郎何似老兵此則汝南之評不遺孟德元祐之籍未列歐陽豈曰以下無譏實乃於斯爲盛文章千古玉帛萬重蓋惟善將將者始可與言詩也已矣

捧樂廷玉

重刊詩壇點將錄序

聖清乾嘉之世人文號爲極盛當其時海宇承平公卿搢紳各以壇站主盟迭執牛耳無名人傳有詩壇點將錄一書乃以水滸一百八人配合頭領或肖其性情或擬其行止或舉似其詩文經濟以人人易知者如沈歸愚之爲托塔天王袁子才之爲及時雨畢秋帆之爲玉麒麟始一展讀卽足令人失笑今距其時百餘年矣故書雅記文獻就湮諸家詩文集之流傳固非二三寒畯所能遍閱而藏書好事者或不能分別源流究心掌故故讀是編而知其月旦之眞者蓋寡余于諸家之書雖未全覩然十得八九可以推求竊謂是書比擬之工較明魏奄之東林點將錄不

獨人才有消長之分抑亦世運有盛衰之別每慨古今黨禍皆以小人傾陷君子清流網盡國不旋踵而亡如東漢之黨錮傳元祐之黨人碑皆魏奄之前事也已宏惟我朝聖神嗣統

天子當陽康熙雍正兩朝文治光華震鐸今古乾嘉繼盛論者謂比隆漢唐諸文士歌詠太平涵濡雅化仿張爲主客之圖句溯鍾嶸詩品之濫觴斯固詩家得失之林卽較之講學家漢宋詬爭亦可謂羣而不黨之君子矣夫魏奄點將據以收拾東林宣和盜魁藉以討平羣寇今錄附于後并攷水滸諸人原始以待後之人知其人而尙論之儒林外史之迷亂其姓名紅樓夢之隱約其事實固不如是

錄之明白痛快可以發皇耳目也光緒丁未八月中秋後
十日長沙葉德輝序

乾嘉詩壇點將錄鈔訖記後

點將錄世無傳本咸豐戊午需次吳門吟社契友樊曉埭
尊酒間偶爲話及特鈔藏本見贈據云舒鐵雲孝廉陳雲
伯大令當時與二三名下士以遊戲三昧效汝南月旦取
水滸傳中一百八人或揄揚才能或借喻情性或由技藝
切其人或因姓氏聯其次靡不褒溢於貶亦復毀德於譽
苟能深悉錄中人顛末者讀之未有不擊節失笑也猶憶
初獲此時蘇中詩人于辛伯續刻所著柳隱叢談來吳見
之錄中惟通臂猿太倉畢子雲先生耄耄獨存喜而作詩
郵寄并屬余和韻旋又假去錄存一冊茲抄所錄不禁感
昔時風雅之盛云

同治己巳長至予香藍居中

題詞

江湖姓氏記傳聞
高築詞壇領冠軍
猛士詩人雜龍虎
一時吟嘯起風雲

孰是鸞皇孰野狐
一編評隲尙模糊
試看漢上英雄記
卽是江西宗派圖

無學居士題

韓崇

從古文章有霸才
舊家壇坫孰雄恢
相知自應都亭夢
讓爾橫行一世來

千佛名經是導師
江湖東下衍分支
功成別築麒麟閣
大將麾幢望裏知

一樣圖憑主客看
休同碑爲黨人刊
居然獨擅龍門筆
合

傳何妨老與韓

寒夜被酒率題三絕句

吳香盦主

程庭鷺

誰司月旦汝南評草竊居然善將兵
白傅昔曾推教主劉郎誰敢犯長城
荒唐野史英雄記標榜詞壇黨籍名
轉限聲華登鬼籙輸他黃面證無生

謂彭尺木

癸卯仲春

古欠道人戲題

釋祖觀
卽覺阿

兩朝誇月旦壇坫耀星辰聲價名千佛
詞鋒敵萬人簿休嗤點鬼榜類演封神
一串牟尼外遺珠試再掄詞場署元帥
豪傑此蒐羅牛鬼蛇神幻標題藉不磨
千金駿馬死一卷鯽魚多鼙鼓興思際
投壺盡雅歌

海上樂道人題

藍居中
字樂人

清時重品藻疇似汝南賢壇坫東南盛文章遊戲傳長城
壘不壞大將幟高縣豪氣儒酸洗爭看月旦篇

天水老人題

從來幽怪爭奇光好事乃以詭誕彰鏤肝鋤膽屈神肖能
令鬚髮俱鬪張世間何物匪遊戲那用一一求真妄漆園
傲吏見空色寓言十九庸何傷我謂作詩如將將運用一
心神劇王又謂作詩如作賊橫絕方能躋險絕短兵狹巷
風蕭颯信手刀刀俱見血月黑風高縱所如笑看驪珠顛
前得乾嘉壇坫盛東南筆陣雲雷戰氣酣爛如河朔縱橫
甚固似山東氣勢懃四千年事浩滾滾一百八眾齊耽耽
園林歌讌招賓客江山六代生顏色驅使今古奔腕下吹

噓俊筆飛煙墨占盡昇平全盛年而今墓草紛蕭瑟一代
風花逝水流燧塵頓洞無消息我輩餘生苦恨遲感時撫
事還追思猛士疇堪守疆場詩人猶足張偏師論文論戰
有心法隨園語想見颯爽來英姿風流爭鬪亦云已文彩依
然跨青紫後來作者問姓名疇矢憑誰繼餘子荒唐埜史
陽秋筆鏤棒公然稱教習頗有微詞寓褒貶獨具隻眼看
今昔東林姓氏久消磨尙說西江宗派嫡搗來溽暑百無
事城北蕭條尋古寺偶逢趙叟受迫促漫以斯編屬題字
我欲題詩淚盈趾推遷世運風輪駛朱門酒肉尙如山領
袖無人花月死沈袁畢趙競淪亡後起舒陳感自傷苦將
一代芬芳蹟譜入英雄草澤狂盡捲儒生廢文史追逐冠

蓋紛披猖策馬何須痛華屋盈闕由來如轉燭莫從廊廟
論英才尙許山林親卷軸君不見黃金十萬卷甲來八百
孤寒抱書哭

棹園先生題

乾嘉詩壇點將錄

玉鑪三澗雪山房贊

詩壇都頭領三員

托塔天王沈歸愚

德潛有竹嘯軒詩鈔及歸愚詩文全集

贊曰衛武公文中子風雅有篇隋唐無史然而築黃金臺以延士者則必請自隗始也吁嗟乎東溪柯曾

頭市

沈文憲公於康熙中葉猶及見尤西堂先生新城王文簡公稱橫山門下尙有詩人指文憲而言然其薦舉制科則在乾隆元年鄉會通籍則在三年四年高宗純皇帝御書詩壇耆碩四字賜之詩壇首列文憲實遵宸翰之寵題洵備詞場之定論

及時雨袁簡齋

山房詩集

袁象

非仙非佛筆札唇舌其雨及時不擇地而施或膏澤之沾濡或滂沱而怨咨

玉麒麟畢秋帆

沅有靈巖山人集

智勇功名天下太平

盧俊義夢中見此四字

掌管詩壇頭領二員

智多星錢籜石

載有籜石齋集

遠而望之幽修漏熟而視之瘦透皺不知者曰老學究

入雲龍王蘭泉

融堂集有春

盛名之下一戰而罷湖海詩傳隨園詩話

參贊詩壇頭領一員

神機軍師法梧門式善有存素堂集

前有李茶陵後有王新城具體而微應運而興在師

中吉張吾三軍其機如此不神之所以神

掌管詩壇錢糧頭領一員

小旋風阮雲臺元室詩文集有擘經

宗廟之事願為小其旋元吉其風肆好

馬軍總頭領三員

大刀手蔣心餘士銓有忠雅堂詩集

四十斤者魏朱亥十萬兵者漢樊噲巨刃摩天揚則

不如輕裘緩帶

豹子頭胡稚威天游山房全集有石筍

十八武藝諸高強有時候入白虎堂

霹靂火趙甌北

翼詩集文集有甌北

燦以赤雌霹靂

馬軍正頭領十四員

雙槍將邵夢餘

無恙鏡西閣集有

兒女英雄天下健者惟董公

雙鞭蕭子山

掄樊邨集有

堂堂之陣正正之旗是孫武子是傅修期

沒羽箭舒鐵雲

位水齋集有瓶

棄爾弓折爾矢高固王剪有如此似我者拙學我者

死一朝擊缶十五子

小李廣陳雲伯

文述 有碧城仙 詩髓 頤道堂集

無雙國士飛將軍孰為前身孰後身昨夜關弓射猛

虎詰朝視之石飲羽

金鎗手彭甘亭

兆孫 有小 謨 觴館 全集

鈎鏃鎗若是班連環馬不復還家藏雁翎之甲最精

妙竊比者誰鼓上阜

撲天鵬楊蓉裳

芳燦 有吟翠軒 初稿芙蓉山館集

鏤金刻玉落鵬都督

病尉遲孫子瀟

原湘 有天 真閣全集

持一鞭關呼延

青面獸張船山

問陶 有 船山詩鈔

殿前制使將門子弟可惜寶刀用殺牛二

美髯公姚春木椿藝閣詩鈔有通

隨陸無武絳灌無文未若髯之絕倫而軼羣

插翅虎查梅史揆集箕谷詩文集有菽原堂

虎頭萬里飛食肉何如朝汲湖光飲山綠

九紋龍嚴麗生學滄堂詩集有海

瓦官寺前少華山上誰曰翩翩少年不敵幽燕之老

將

急先鋒周筇雲為漢山居詩集有枕

長槍大戟震動一切

沒遮攔許周生宗彥有水齋全集有鑑

結客少年場春風滿路香

井朱狂翁壽堂

照書堂集 有賜

青松磊石白鶴瘦謙謙君子上應列宿

步軍先鋒正頭領二員

花和尚洪稚存

亮吉 有卷施閣 軒更生齋等集

好箇莽和尚忽現菩薩相六十二筋鐵禪杖

行者黃仲則

景仁 有兩 當軒詩集

殺人者打虎武松也

步軍衝鋒挑戰正頭領一員

黑旋風王仲瞿

良士 有煙霞 萬古樓詩文集

牛而銜風則黑突如其來如學萬人敵

步軍衝鋒挑戰副頭領一員

浪子郭頻伽

磨館詩

有靈芬文集

東京燕東林錢合傳之體司馬遷

水軍總頭領一員

混江龍姚姬傳

齋軒詩

文集有惜抱

家住潯陽江上款乃一聲有時絕唱

相士頭領一員

紫髯伯翁覃溪

方網齋詩

文集有復初

滄江夜夜虹貫月雅有玉蟾蜍青淚滴

探信接賓酒店四頭領四員

摸著天盧雅雨

見曾集

有出塞雅雨全集

石將軍李味莊

廷敬遠山房集

有平

雲裏金剛曾賓谷

煥雨茅屋集

有賞

旱地忽律程魚門

晉芳行堂詩文集

有勉

八百孤寒三大白豈有醜人難再得

管理文報頭領一員

神行太保戴金溪

敦元恪公遺集

有簡

一作全謝山

飛行絕跡其言不出

水軍副頭領五員

立地太歲劉芙蓉

嗣緒向綱堂集

有

短命二郎樂蓮裳

鈞山館集

有青

一作楊六壬

活閻羅吳蘭雪

嵩梁蘇山館詩集

有香

直錄

九

船火兒呂叔訥

星垣雪草堂集有白

浪裏白條錢竹初

維喬初詩文集有竹

不平則鳴如水上之風行

馬軍護衛二員

小温侯高東井

文照清山房詩集有闖

賽仁貴陳梅岑

熙軒詩集有騰

步軍護衛二員

毛頭星袁湘湄

棠池塘詩鈔有秋水

獨火星袁笛生

鴻如意齋集有鍊

水軍護衛二員

玩江蜃錢謝菴

枚草堂集有齋

一作李墨莊

鼎元

一作李鳧塘

出海蛟錢叔美杜書贊又畫憶

管理軍政頭領一員

鐵面孔目王鍊夫芭孫雅堂全集有淵

斷斷不附和願公在座

馬軍驃騎舊頭領十員

百勝將孫補山士毅有百

天目將趙璞函文哲有娠隅

聖水將顧晴沙先旭有響泉集

神火將孫淵如星術有芳

鎮三山吳穀人錫麒有齋全集

醜郡馬夢文子麟有大有大

皇象

一作李鶴峯

一作張少華

一作錢竹汀

一作吳竹嶼

火眼狻猊張瘦桐

墳素菴集有竹

一作史赤厓

鐵籊仙趙味辛

懷玉樹樓詩集有秋

摩雲金翅伊墨卿

秉綬

赤髮鬼查榕巢

禮書堂遺集有銅鼓

一作劉松嵐

小邾莒大齊魯迭長敦槃各建旗鼓

專治諸病頭領一員

神醫薛一瓢

雪莊集一瓢詩集有掃葉山

芒碭山舊頭領二員

混世魔王杭堇浦

世駿古堂全集有道

八臂哪吒齊次風

召南文集又寶綸堂詩有賜硯堂詩

飛天大聖鄭炳也

虎文松閣詩集有吞

一作王西莊

登雲山舊頭領二員

出赫龍吳竹橋

蔚光 有素修堂集

一作祝宣臣

獨角龍吳巢松

慈鶴 有鳳山巢求 是稿

一作祝芷塘

德麟

宋家莊舊頭領一員

鐵扇子袁香亭

樹 有紅豆 邨人詩鈔

桃花山舊頭領二員

打虎將朱清湖

彭 有抱山堂集

小霸王項金門

壩

枯樹山舊頭領一員

喪門神宋茗香

大樽 有學古集 牧牛 邨舍外集

一作陳東甫

清風山舊頭領三員

錦毛虎盛青巉

錦巉遺集有青

一作徐尚之

矮脚虎王芥子

大岳虛山房集有青

一作王秋塍

白面郎君方子雲

正樹香閣詩鈔有伴

少華山舊頭領二員

跳澗虎陳古漁

毅漁詩鈔有古

白花蛇何南園

士顯有南園詩鈔

後寨頭領三員

一丈青王介祉

陸禔

母大蟲陳筠樵

聲和

母夜叉沈芷生

清瑞氏羣峯集有沈

飛書走檄頭領二員

聖手書生吳澹川文溥南野堂集有

玉臂匠陳曼生鴻壽連理館詩集有桑

行刑劊子頭領二員

鐵臂膊錢南園澧園詩鈔有南

一枝花尤二娛維熊小廬詩鈔有二

步軍協理頭領二十六員

病關索王夢樓文治夢樓遺集有

拚命三郎毛海客大瀛鷗居詩鈔有戲

錦豹子楊荔裳揆館詩稿有桐華

金錢豹子石琢堂韞玉獨學廬集有

轟天雷侯夷門嘉璠詩文集有夷

皇象

一作謝薌泉振定

一作胥燕亭

一作邵二雲

一作徐朗齋

一作楊笠湖

一作顧立方

一作謝蘊山啓昆

神算子蔣藕船知讓室詩集有妙

一作潘榕泉

鐵叫子陶篁邨元藻集有泊鷗山

一作秦小峴

玉旂竿汪劍潭端光集有沙江

一作鐵梅菴保

兩頭蛇徐龍友夔軒集有凌

一作周迂村

雙尾蠍李客山果詩鈔有詠歸亭

一作孫蓮水

病大蟲趙良甫函潛堂集有樂

一作蔣立崖

金眼彪屠琴塢程堂詩集有是

一作范瘦生

鬼臉兒薛香聞起鳳香閣詩集有

一作楊箕山

催命判官沙斗初維杓堂集有耕道

一作黎簡民

中箭虎宗芥帆聖垣曲山房詩集有九

一作崔幔亭

花項虎嚴道甫長明求草堂集有歸

一作英夢堂

沒面目金壽門

農心先生集有冬

一作張補山

青眼虎李載園

符青門詩文集有海

一作鄭楓人

笑面虎詹石琴

應甲賜綺堂集有

一作吳白華

省蕪

通臂猿畢子筠

華珍山樓詩集有揖

一作王載陽

操刀鬼汪小海

淮知堂詩集有心

一作屈悔翁

菜園子童二樹

花百詠有梅

小遮欄許青士

乃濟

一作沈雲椒

活閃婆林遠峯

鎬樹生詩集有雙

險道神鄭板橋

橋變有板

隱姓埋名頭領四員

金毛犬

九尾龜

白日鼠

鼓上阜

直錄

三

額外頭領附錄

黃面佛彭尺木

紹升
士集

洲
海觀
海集

有二林居

東林點將錄

據文孫符撰先撥志始

點將錄舊傳爲王紹徽所作而同志錄未見抄傳或是韓敬因紹徽原本而增改之者耶

開山元帥托塔天王南京戶部尙書李三才

總兵都頭領二員

天魁星及時雨大學士葉向高

天罡星玉麒麟吏部尙書趙南星

掌管機密軍師二員

天機星智多星左諭德繆昌期

天間星入雲龍左都御史高攀龍

協同參贊軍務頭領一員

地機星神機軍師禮部員外郎顧大章

正先鋒一員

天殺星黑旋風吏科都給事中魏大中

左右先鋒二員

天暗星青面獸浙江道御史房可壯

地周星跳澗虎福建道御史周宗建

馬軍五虎將五員

天勇星大刀手左都御史楊漣

天雄星豹子頭左僉都御史左光斗

天猛星霹靂火大理寺少卿惠世揚

天威星雙鎗將太僕寺少卿周朝瑞

天立星雙鞭將河南道御史袁化中

馬軍八驃騎八員

天英星小李廣福建道御史李應昇

天捷星沒羽箭陝西道御史蔣允儀

天空星急先鋒山東道御史黃尊素

天退星插翅虎浙江道御史夏之令

天凶星沒遮攔吏科給事中劉宏化

天滿星美髯公刑科給事中解學龍

地獨星毛頭星刑科給事中毛士龍

地鎮星小遮攔工科給事中劉懋

總探聲息走報機密頭領二員

天速星神行太保尙寶司丞吳爾成

地速星中箭虎光祿寺少卿丁元薦

行文走檄調兵遣將頭領一員

地囚星旱地忽律廣西道御史游士任

掌管錢糧頭領二員

天富星撲天雕禮部主事賀炆

地狗星錦毛犬尙寶司卿黃正賓

定功賞罰軍政司頭領二員

地正星鐵面孔目左僉都御史程正己

地奴星催命判官左通政涂一榛

掌管行刑劊子手頭領二員

地損星一枝花禮部尚書孫慎行

地平星鐵臂膊刑部侍郎王之柰

捧把帥字旗將校一員

地賊星鼓上阜內閣中書汪文言

守護中軍大將十二員

天壽星混江龍大學士劉一燝

天微星九紋龍大學士韓爌

地短星出林虎大學士孫承宗

地轉星

轉一作劍

立地太歲吏部尚書周嘉謨

地角星獨角龍吏部尚書張問遠

天傷星武行者左都御史鄒元標

天貴星小旋風右都御史曹于汴

地軸星轟天雷禮部尚書王圖

天牢星病關索刑部尚書喬允升

地強星錦毛虎工部尚書馮從吾

地巧星笑面虎吏部左侍郎陳于廷

天巧星浪子左春坊左諭德錢謙益

四方打聽邀接來賓頭領十二員

地明星鐵笛仙戶部左侍郎鄭三俊

地壯星母夜叉禮部右侍郎張鼐

地妖星摸著天光祿寺少卿史記事

地全星鬼臉兒光祿寺寺丞李炳恭

地文星聖手書生翰林院修撰文震孟

地闊星摩雲金翅翰林院簡討姚希孟

地陰星母大蟲翰林院檢討顧錫疇

地異星白面郎君翰林院庶吉士鄭鄴

地滿星玉旛竿吏部員外郎周順昌

地獸星紫髯伯吏部員外郎張光前

地惠星一丈青吏部員外郎孫必顯

地暗星錦豹子禮部主事荆養喬

馬步三軍頭領四十六員

天慧星拚命三郎刑部尚書王紀

天孤星花和尚兵部左侍郎李瑾

天暴星兩頭蛇兵部右侍郎孫居相

地勇星病尉遲兵部右侍郎李邦華

地惡星沒面目兵部右侍郎劉策

地佐星小溫侯兵部右侍郎何士晉

地奇星聖水將戶部右侍郎陳所學

天哭星雙尾蝎左副都御史孫鼎相

天佐星金鎗手右僉都御史徐良彥

地刑星菜園子右僉都御史周起元

地醜星石將軍右僉都御史張鳳翔

地火星獨火星右僉都御史朱世守

地巧星玉臂匠右僉都御史程紹

地暴星喪門神右僉都御史王洽

地健星險道神右僉都御史李若星

天異星赤髮鬼左通政司劉宗周

地俊星鐵扇子大理寺少卿韋藩

地定星小霸王太常寺少卿韓繼思

地會星神算子太常寺少卿趙時用

地佑星賽仁貴太常寺少卿李應魁

地闔星火眼狻猊太常寺少卿程註

地稽星操刀鬼光祿寺少卿沈應奎

地飛星八臂哪吒吏部郎中夏嘉遇

地走星飛天大聖吏部郎中鄒維璉

地察星青眼虎吏科給事中陳良訓

地煞星鎮三山兵科給事中甄淑

地雄星井木犴戶科給事中郝土膏

地傑星醜郡馬兵科給事中沈惟炳

地幽星病大蟲戶科給事中薛文周

地孤星金錢豹子兵科給事中蕭基

天罪星短命二郎湖廣道御史劉芳

天敗星活閻羅江西道御史方震孺

地僻星打虎將山東道御史李元

地微星矮腳虎福建道御史魏光緒

地捷星花項虎四川道御史練國事

地威星百勝將河南道御史謝文錦

地數星小尉遲雲南道御史李日宣

地猛星神火將貴州道御史張慎言

地樂星鐵叫子山東道御史劉思誨

地伏星金眼彪湖南道御史劉其忠

地隱星白花蛇河南道御史楊新期

地耗星白日鼠湖廣道御史劉大受

地遂星通臂猿山西道御史侯恂

地靈星神醫手雲南道御史胡良機

地魔星雲裏金剛四川道御史宋師襄

地理星九尾龜河南道御史熊則禎

鎮守南京正將一員

地煞星混世魔王操江右僉都御史熊明遇

分守南京汎地頭領六員

天竟

天平一作

星船火兒南京廣東道御史王允成

天損星浪裏白跳南京吏部郎中王象春

地英星天日將南京江西道御史陳必謙

地進星出洞蛟南京山西道御史黃公輔

地退星翻江蜃南京四川道御史萬言揚

地劣星活閃婆南京工科給事中徐憲卿

天啟四年甲子冬歸安韓敬造

按天罡地煞之名計氏北略所載天罡星李三才等有

名者僅九人地煞星顧大章等有名者僅四人而以青
面獸屬左光斗金眼彪屬魏大中亦與此不同此則青
面獸爲房可壯金眼彪爲劉其忠而左光斗則豹子頭
魏大中則黑旋風且青面獸爲天暗星亦非地煞也惟
某氏遺愁集所載天罡地煞之名較詳其略言王紹徽
爲忠賢乾兒官至吏部尙書進退一人必稟命于忠賢
時稱王媳婦嘗造點將錄獻之忠賢忠賢閱其書嘆曰
王尙書嫵媚如閨人筆挾風霜乃爾真吾家之珍也其
稱東林開山元帥托塔天王南戶部尙書李三才總兵
都頭領天魁星呼保義大學士葉向高天罡星玉麒麟
吏部尙書趙南星掌管機密軍師天機星智多星右諭

德繆昌期天間星入雲龍左都御史高攀龍協同參贊
軍務頭領地魁星神機軍師禮部員外顧大章掌管錢
糧頭領天富星撲天雕禮部主事賀烺地狗星金毛犬
尙寶司少卿黃正賓正先鋒天殺星黑旋風吏科給事
中魏大中左右先鋒地飛星八臂哪吒吏部郎鄒維璉
地走星飛天大聖浙江道御史房可壯五虎將天勇星
大刀手副都御史楊漣天雄星豹子頭左僉都御史左
光斗天猛星霹靂火大理寺少卿惠世揚天威星雙鞭
手浙江道御史袁化中天立星雙鎗將太僕寺少卿周
朝瑞又所列李應昇蔣允儀解學龍吳爾成孫慎行陳
于廷錢謙益文震孟方震孺徐憲卿鄭三俊毛士龍夏

嘉遇周順昌何士晉趙時用等皆南直人也按文氏此編一百八人全具意卽照點將錄之原本錄出者證之遺愁集所載惟左右先鋒二員一爲房可壯一爲周宗建與遺愁集以爲鄒維璉房可壯者異又以維璉爲地走星夏嘉遇爲地飛星與遺愁集以維璉爲地飛星房可壯爲地走星者亦異其餘悉同攷之水滸傳所謂一百八人者除開山元帥數之今文氏所載合開山元帥共一百九人正與水滸合惟天罡星少一人地煞星多一人蓋立地太歲水滸作天劍星此誤作地劍耳至青面獸本係天暗星計氏誤入之地煞此傳寫之繆當以此編與水滸傳合者爲正

點將錄附考

世傳小說水滸傳宋江等三十六人正史及宋元通鑑有
宋江名其三十六人名不悉具小說以爲有百八人頭領
分三十六天罡七十二地煞余按三十六人始見于宋無
名人撰宣和遺事其書云宋江因殺故人閻婆惜鄆城縣
巡檢王成領兵捕之宋江走入屋後九天玄女廟王成根
捕不着宋江拜謝玄女見香案上有一卷天書宋江展看
寫三十六人姓名其一智多星吳加諒其次玉麒麟李淮
義青面獸楊志混江龍李海九紋龍史進入雲龍公孫勝
浪裏白條張順霹靂火秦明活閻羅阮小七立地太歲阮
小五短命二郎阮進大刀關必勝豹子頭林沖黑旋風李

達小旋風柴進金鎗手徐寧撲天鵬李應赤髮鬼劉唐一
撞直董平插翅虎雷橫美髯公朱同神行太保戴宗賽關
索王雄病尉遲孫立小李廣花榮沒羽箭張青沒遮攔穆
橫浪子燕青花和尚魯智深行者武松鐵鞭呼延綽急先
鋒索超拚命三郎石秀火船工張岑摸着雲杜千鐵天王
晁蓋名末後一行寫天書付與天罡院三十六員猛將使
呼保義宋江爲帥廣行忠義殄滅姦邪宋江至梁山灤晁
蓋已死吳加諒李進義共推宋江爲首領寨上原有二十
四人宋江領得朱同等九人成三十二人各人統率強人
略州劫縣攻奪淮陽京西河北三路二十四州八十餘縣
宋江道會中只少三人三人是花和尚魯智深一丈青張

橫鐵鞭呼延綽也是時朝廷命呼延綽爲將統兵投降海賊張橫等出師屢戰屢敗朝廷督責嚴切呼延綽遂領張橫反叛來投宋江時有僧人魯智深反叛亦來投奔宋江恰是三十六人足數此三十六人之姓名可考者然一丈青張橫並不在天書名內證以周密癸辛雜志續集所載龔聖與開宋江三十六人贊次序名號亦多不合龔所贊其一爲呼保義宋江其次智多星吳學究玉麒麟盧俊義大刀關勝活閻羅阮小七尺八腿劉唐沒羽箭張青浪子燕青病尉遲孫立浪裏白跳張順船火兒張橫短命二郎阮小二花和尚魯智深行者武松鐵鞭呼延綽混江龍李俊九文龍史進小李廣花榮霹靂火秦明黑旋風李逵小

旋風柴進插翅虎雷橫神行太保戴宗先鋒索超立地太
歲阮小五青面獸楊志賽關索楊雄一直撞董平兩頭蛇
解珍美髯公朱同沒遮攔穆橫拚命三郎石秀雙尾蝎解
寶鐵天王晁蓋金鎗班徐寧撲天鵬李應不知所據何書
解珍解寶今小說本同龔贊在天罡三十六人內病尉遲
孫立摸着天杜遷卽摸着雲杜千在地煞七十二人內是
開所見之書及今小說所據必有天罡地煞姓名彼此互
竄者明郎瑛七修類稿二十三云水滸宋江錢塘施耐庵
的本昨于書肆見元鍾嗣成錄鬼簿中載宋元傳記之名
于其事尤多據所見原亦有迹因而編益成之耳又二十
五云史稱宋江三十六人橫行齊魯官軍莫能抗周公謹

載其名于癸辛雜志羅貫中演爲小說有替天行道之言
當時非禮之禮非義之義江必有之異于他賊但書以三
十六爲天罡添地煞七十二人之名又易尺八腿爲赤髮
鬼一直撞爲雙鎗將以至淫詞詭行足以溺人今特書其
當時之名于左案郎氏云云亦殊不廣不知明臧晉叔刻
元人百種曲中有元康進之黑旋風李逵負荆雜劇宋江
白有一百八人頭領之語李逵白亦稱三十六大夥七十
二小夥又李文蔚同樂院燕青博魚雜劇白同博魚劇中
捲毛虎燕順小說作錦毛虎在七十二地煞中而龔氏浪
子燕青贊云平康巷陌豈汝知名太行春色有一丈青今
小說有地慧星一丈青扈三娘而以一丈青張橫爲天平

星火船見其宣和遺事之火船工張岑則無其人是龔贊之一丈青確係女人故援以比浪于而非一丈青之張橫當時野乘流傳各有依據故明胡應麟莊嶽委談云水滸傳今特盛行余閱一小說序稱施某嘗入市肆抽閱故書于敝楮中得宋張叔夜擒賊招語一通備悉一百八人所由起因潤色以成此編足見供狀有名非出于杜撰又燕青博魚雜劇青自稱梁山灤第十五頭領以宣和遺事所載次序推之青名次十四並宋江數之實次十五然則元人雜劇亦自來歷分明郎氏不知赤髮鬼本係原名一直撞之爲雙鎗將猶呼保義一稱及時雨盜賊名號本無定稱而乃信口詆訶陋略甚矣今世小說大半折衷宣和遺

事癸辛雜志而取材于元人雜曲藍本于張叔夜所得供
狀正史及通鑑固云宋江掠諸郡知海州張叔夜擊降之
當時招狀宜可徵信何得云七十二人爲羅貫中所添况
解珍解寶杜遷孫立張青一丈青燕順諸書重見互異又
足爲七十二人之鐵案乎至水滸傳明時與三國演義都
察院同有刻本載明周弘祖古今書刻乾隆初元海內昇
平大戲節戲進呈院本三國志爲鼎峙春秋水滸梁山諸
盜及宋金交兵諸事爲英雄璇圖載禮親王嘯亭雜錄續
編可見此二書前明刻之風憲衙門我朝則列爲承平樂
部世以比于西廂記金瓶梅謂在禁書之列抑亦不謂掌
故也已

重刻之本詩壇點將錄叙

詩壇點將錄余幼從先世楹書中見之當時不知為何物但聞塾師云是乾嘉兩朝詩人事蹟耳稍長讀水滸小說見諸人綽號皆梁山盜名意甚駭怪又久之得老奴隨園詩話王昶湖海詩傳洪亮吉北江詩話張維屏國朝詩人徵畧略得諸人出處交際始歎其比喻之工迨公車偕計過夏都中每泛厰甸搜求國朝詩文集部於是一朝詩派源流了然在余心目欲求此錄重刻則久已遺失不可復見光緒丁未泛長沙舊書攤購得同治己巳中箱本遂付梓人刊行旋獲傳鈔武進莊氏舊藏足本較余本少謄字諸人里貫任蹟品較余本稍詳然所缺者猶多余據吳

鼎雯詞垣考鏡李富孫鶴徵後錄及郡邑詩選各省志乘
諸人詩文本集集中碑傳文字補之而是書遂臻完善餘
有詳畧及集名異同則二本可以參觀不贅補也前刻附
考宋江事尚有未盡者如宋張忠文叔夜招安梁山濼榜
文云有赤身為國不避凶鋒掣獲宋江者賞錢萬貫雙
執花紅掣獲李進義者賞錢百萬貫雙花紅掣獲閔勝呼
延綽柴進武松張清等者賞錢十萬貫花紅掣獲董平李
進者賞錢五萬貫有差王文簡士禎居易錄引之云今兩
葉子戲有萬萬貫千萬貫百萬貫花紅遞降等采用叔夜
榜中語也又傳中方臘賊黨呂師囊台州仙居人亦非杜
撰但賊所陷乃杭睦歙處衢婺六州耳詳泊宅編據此則

國初時此等小說亦自風行不僅明季奄黨以此厚誣東林諸公也夫善善惡惡人有同心是非上各持一見人而君子不妨加以盜跖之惡名人而小人終無益於操之美號故雖游戲之作能使讀者於百世之下想像其生平斯固月旦之公評抑亦文苑之別傳矣近世盜賊橫行逋逃海外當軸者循私交之請往往藉詞黨禍以開幸免之門不知東漢之黨錮宋之元祐黨碑慶元偽學以及明之東林點將大抵為小人指目君子而名初非諸人自主黨幟以羅禁網今則二三新進標舉名義擾亂紀綱錄之既求才徹之則煽亂而欲引為漢宋黨人之比誠不知當事之持議者何所見而云然逸周書載稷王作史記以

自警曰昔有果氏好以新易故新故不和內爭朋黨陰事
外權有果以亡嗟乎魏王玄今邈矣而諄上於黨爭之為
誠居今日而追原禍始有國者其可輕言變易乎余於此
錄一再校刊非徒如龔聖予之圖贊杜古經之畫像取悅
一世之耳目將以遠稽乾嘉文治之根本諸君子聲氣之
應求俾言治者曉然於黨有君子小人之分有虛名實禍
之異然則是錄雖小不幾古今之龜鑑歟宣統辛亥四月
葉德輝序

乾嘉詩壇點將錄

玉鑪三澗雪山房贊

詩壇都頭領三負

托塔天王

沈歸愚

德潛字確士長洲人乾隆己未進士官至禮部侍郎予告加尚書銜贈太子太

師謚文憲著歸愚文鈔竹嘯軒詩鈔

衛武公文中子風雅有篇陳唐無史然而築黃金臺

以迓士者則必請自隗始也吁嗟乎東溪村曾頭市

沈文憲生于康熙中葉猶及見尤西堂先生故新城王文簡公稱橫山門下尚有詩人指文憲而言然其

薦舉制科則在乾隆元年鄉會通籍則在三年四年

列文憲實通帝御書詩壇者碩四字賜之詩壇首

及時雨表簡齋士官字江甯才錢塘人乾隆己未進

非仙非佛筆札唇舌其兩及時不擇地而施或膏澤

之沾溉或滂沱而怨咨

玉麒麟畢秋帆

沅字湘衡鎮洋人自號靈巖山人乾隆庚辰狀元官湖廣總督著靈巖山人詩集四

卷十

智勇功名天下太平

盧俊義夢中見此四字

掌管詩壇頭領二負

智多星錢籀石

載字坤一又號瓠尊秀水人乾隆壬申恩科進士官至禮部左侍郎著籀石齋詩

文集

遠而望之幽修漏熟而視之瘦透皺不知者曰老學

究

入雲龍王蘭泉

湘字德甫號述庵青浦人乾隆十八年進士官刑部右侍郎著春融堂詩文集

盛名之下一戰而霸湖海詩傳隨園詩話

參贊詩壇頭領一頁

神機軍師法梧門

式善字開文號時帆原名運昌蒙烏吉氏蒙古正黃旗人乾隆庚子

士官侍讀著存素堂詩文集清秘述聞槐廳筆記

前有李茶陵後有王新城具體而微應運而興在師

中吉張吾三軍其機如此不神之所以神

掌管詩壇錢糧頭領一頁

小旋風阮芸臺

元字伯元儀徵人乾隆己酉進士官大學士加太傅謚文達著學經室集

宗席之事願為小其旋元吉其風肆好

馬軍總頭領三頁

大刀手蔣心餘

士銓字茗生號清客銘山人乾隆丁丑進士官編修著忠雅堂詩文集

四十斤者魏朱亥十萬兵者漢樊噲巨擘摩天揚則

不如輕裘緩帶

豹子頭胡稚威

天游字雲持山陰人雍正癸卯副貢生乾隆丙辰薦舉鴻博著石笥山房集

十八武藝俱高強有時誤入白虎堂

霹靂火趙甌北

翼字雲松陽湖人乾隆辛巳恩科探花官至貴西道著甌北集十字家詩話

燦以赤雌霹靂

馬軍正頭領十四員

雙鎗將邵夢餘

颯字無恙山陰人乾隆知縣歷任江南知縣有鏡西關詩選歷

代官闡
襟詠

兒女英雄天下健者惟董公

雙鞭蕭子山

掄太倉州人貢生有樊邨草堂詩集

堂堂之陣正正之旗是孫武子是傅脩期

沒羽翦舒錢雲

位字立人小字屏禪大興人原籍長洲乾隆戊申預行正恩科舉人著錫水齋集

湘靈館

雜鈔

棄爾弓折爾矢高固王翦有如此似我者拙學我者

死一朝擊走十五子

小李廣陳雲伯

文述字退庵錢塘人嘉慶庚申舉人官江南知縣有頤道堂詩集又外集補遺戒後

詩存

無雙國士飛將軍孰為前身孰後身昨夜彎弓射猛

虎詰朝視之石飲羽

金鎗手彭甘亭

兆蓀字湘涵鎮洋人諸生道光初舉孝廉方正不就有小謨鵠館詩集

鈎鑣鎗若是班連環馬不復還家歲雁翎之甲窠精

抄竊此者誰鼓上卓

揉天雕揚蓉裳芳潔無錫人拔貢生授知縣官戶部

鏤金刻玉落雕都督

病尉遲孫子滿原湘昭文人嘉慶乙丑進士官翰林院庶吉士著天真閣集

恃一鞭門呼延

青面獸張船山問陶字仲治遂甯人乾隆庚戌進士官萊州知府有船山詩草

殿前制使將門子弟可惜寶刀用殺牛二

美髯公姚春木椿字子壽婁縣人國學生有通藝閣詩稿

隨陸無武絳灌無文未若髯之絕倫軼群

插翅虎查梅史揆字伯葵海甯人嘉慶甲子舉人官蘄州知州有菽原堂初集詩

虎頭萬里飛食肉何如朝吸湖光飲山綠

九紋龍巖巖生

學塗丹徒人嘉慶甲子舉人有海雲堂詩集

瓦官寺前少華山上誰曰翩翩少年不敵幽燕之老

將

急先鋒周筠雲

為漢字心渠浦江人官湖北縣丞

長槍大戟震動一切

汲遮欄許周生

宗彥字積卿德清人嘉慶己未進士官兵部主事著鑿止水齋文集十二卷詩八卷

結客少年揚春風滿路香

井木犴翁羈堂

照字朗夫初名玉行字子靜江陰人國子監生乾隆丙辰舉博學鴻詞有賜書堂集

青松磊落白鶴瘦謙謙君子上應列宿

步軍先鋒正頭領二員

花和尚洪稚存

亮吉字北江陽湖人乾隆庚戌榜眼官編修著卷菴閣更生齋詩文集

寺系

四

好箇券和尚忽現菩薩相六十二斤鐵禪杖

行者黃仲則景仁字漢鏞武進人諸生四庫館議叙主簿著兩當軒詩鈔

殺人者打虎武松也

少軍衝鋒挑戰正頭領一負

黑旋風王仲瞿景原名良士秀水人乾隆壬申恩科舉人著煙霞萬古樓集善劍術一日忽無疾

卒後嗣爭產不驗俄而尸蹶然起佛然曰汝等嗜財如此致同室操戈何不念仁親為寶乎遂出門棄家

為汗漫遊不知所終

牛而鏡風則黑突如來如學萬人敵

少軍衝鋒挑戰副頭領一負

浪子郭頻伽慶字祥伯吳江人諸生有靈峇館集

東京燕東林錢合傳之體司馬逸

水軍總頭領一頁

混江龍姚姬傳

彛字夢穀桐城人乾隆癸未進士官刑部郎中著惜抱軒文集十六卷文後集十二

卷詩集十卷今體詩鈔十六卷

家住潯陽江上款乃一聲有時絕唱

相士頭領一頁

紫髯伯翁掌溪

方綱字正三大興人乾隆壬申科進士官內閣學士有復初齋集

滄江夜夜虹貫月惟有玉蟾蜍清淚滴

探信接賓四酒店頭領四頁

摸著天盧雅雨

見曾字抱孫德州人康熙辛丑進士官兩淮鹽運使有出塞集

石將軍李味莊

逢散字甯圃滄州人乾隆乙未科進士官蘇松太兵備道有年遠山房集

雲裏金剛曾賓谷

煥字庶蕃南城人乾隆辛丑進士自號西溪漁隱官至貴州巡撫有賣雨茆屋

集撰江西詩
徵九十四卷

旱地忽律程魚門

晉芳字蘇園歙縣人乾隆辛卯進士官吏部主事以授勘四庫書加中編修著

蘇園詩集十卷近詩二卷劬行堂詩集十卷

八百孤寒三六白豈有醜人難再得

管理文報頭領一頁

神行太保戴金溪

敦元開化人乾隆庚戌恩科進士謚簡恪

一作全謝山

祖望字紹衣鄞縣人乾隆丙辰恩科進士著鮎埼亭集

飛行絕跡其言不出

水軍副頭領五員

立地太歲劉芙蓉

嗣綰陽湖人嘉慶戊辰會元官編修著尚絅堂詩集

短命二郎樂蓮裳

鈞字元淑臨川人嘉慶辛酉舉人有青芝山館詩集

一作揚六士夢符字西驢號與岑浙江山

活閻羅吳蘭雪

陰人進士官刑部員外郎嘉慶庚申舉人由

船火兒呂叔訥

星垣陽湖人貢生官新陽

浪裏白條錢竹初

縣訓導有白雲草堂詩集乾隆壬午舉人

不平則鳴如水上之風行

馬軍護衛二員

小溫侯高東井

文照字潤中武康人乾隆四

賽仁貴陳梅岑

熙秀水人國學生議叙官安徽河南

步軍護衛二員

毛頭星表湘湄

崇字甘林吳江人國學生嘉慶初

一作李墨莊

鼎元字兩村蘇州人乾隆癸未進士官

獨火星表笛生

鴻字健磐錢
唐人枚洪父

一作李鳥塘

驥元字稱其綿州人乾隆甲辰進
士編修官至中允有雲棧詩鈔

水軍護衛二員

翻江蜃錢謝盒

枝一字枚林仁和人嘉慶己未進
士官吏部主事有齋心草堂集

出水蛟錢叔美

杜字東生錢塘人嘉慶五
年舉人有竹醉亭吟稿

管理軍政頭領一員

鐵面孔目王鐵夫

芑孫字念豐號楊甫自號楞伽山人
長洲人乾隆戊申舉人著淵雅堂集

斷上不附和顧公在座

馬軍驃騎舊頭領十員

百勝將孫補山

士毅字智治仁和人乾隆辛巳
科進士謚文靖有百一山房詩集

一位李鶴峰

因培晉甯人乾
隆乙丑進士

天目將趙璠
文楷字損之上海人乾隆壬午召試賜

一作張少華
熙統字榮時上海人乾隆壬午舉

聖水將顧晴沙
光旭字華陽無錫人乾隆十七年

一作錢竹汀
大昕字晚徵號辛捐嘉定人

神火將孫淵如
星衍號季述陽湖人乾隆丁未榜眼官山

詩集

一作吳行嶼
泰來字企晉長洲人乾隆庚辰進士

鎮三山吳穀人
錫麟字聖徵錢塘人乾隆乙未

醜郡馬夢文子
麟正白旗人號午堂一號喜堂西魯特氏

大谷山人集

火眼狡狴張瘦銅
墳字商言吳縣人乾隆三十年舉人

一作史赤崖善長字中一文一字誦吳江

錢留仙趙味辛懷玉字億孫武進人乾隆庚子

摩雲金翅伊墨卿秉綬字組似甯化人乾隆己酉進

赤髮鬼查榕巢禮字恂琳號儉堂宛平人乾隆十年由

書堂集

又作劉松嵐大觀邱縣人貢生官奉天甯

小邾宮大齋魯造長敦槃各達旗鼓

專治諸病頭領一負

神醫薛一瓢雪字生白吳縣人著掃葉山房詩存六卷一瓢詩話一卷

芒碭山舊頭領三負

混世魔王抗堇浦世駿字大宗人和人乾隆丙辰鴻博官編修著道古堂集

八辭那叱齊次風召南字瓊臺號息園天台人乾隆

飛天大聖鄭炳也丙辰虎授編修官左贊善有乾隆壬戌閣集

一作王西莊甲戌盛字鳳階號西趾嘉定人乾隆

登雲山齋頭領二頁

出林龍吳竹橋翰林光字禮部主事有素修堂詩集進士

一作祝宣臣維誥號孫堂海甯人乾隆丙辰舉鴻博

獨角龍吳策松修翰字訥舉吳縣人嘉慶己巳編

一作祝世塘德麟字甯人乾隆癸未進

宋家莊齋頭領一頁

錢扇子袁香亭全樹錢塘人乾隆癸未進士知縣官

桃花山齋頭領二頁

打虎將朱青湖彭字右錢錢塘貢

小霸王項金門同知有春及草堂詩集

枯樹山舊頭領一負

喪門神宋若香大樽字左彝不和人乾隆丁酉舉人官助

一作陳東浦奉茲德化人乾隆庚辰進士官

清風山舊頭領三負

錦毛虎盛青嶼錦字庭堅吳縣諸

一作徐尚之書受武進人監生官天

矮脚虎王芥子太岳字基平定興人乾隆壬戌進士授

一作王秋滕復字敦初秀水人監生官

白面郎君方子雲正樹歙縣人布衣

少華山舊頭領二負

跳澗虎陳古漁

毅字直方上元人有古懸詩緊

白花蛇何南園

士顯諸生江都人著南園詩集

後寨頭領三負

一丈青王介人

文潞太倉人諸生有義亭詩鈔

母去蟲陳筠樵

聲和字叶宮昭文人廩貢生有響琴齋詩集

母夜叉沈芷生

清瑞字去人吳縣人乾隆丁未進士官知縣著群峯集

飛書走檄頭領二負

聖手書生吳澹川

文溥嘉興人諸生著南野堂集

玉臂匠陳曼生

鴻壽字子恭錢塘人嘉慶辛酉拔貢官溧陽知縣江南海防同知著種榆仙館詩鈔

行刑劊子頭領二負

錢膺膊錢南園

澧字東汪昆明人乾隆字外思科進士

一作謝薌泉

振定字一之湘鄉人乾隆庚子恩科進士有知恥齋詩文集

一枝花尤二娛

維能字祖望長洲人乾隆己酉拔貢生官雲南知縣有二娛小廬詩鈔

一作胥燕亭

繩武鳳臺人貢生官蕩鄉知縣有晉普山房詩鈔

步軍協理頭領二十六員

病闕索王夢樓

文治字禹弼丹徒人乾隆庚辰探花官陞安知府著夢樓詩集

一作邵二雲

晉涵字與桐自號南江餘姚人乾隆年外恩科會元官編修

拚命三郎毛海客

大瀛字又甚寶山人諸生官簡州知州勦賊殉難

一作徐朗齋

鏞慶原名嵩金匱人乾隆丙午舉人官蘄州知州著玉山閣集

錦豹子揚荔裳

揆無錫人乾隆庚子舉人由中書官四川布政使贈太子少師著桐花吟館集

一作楊笠湖

潮觀字閱度金匱人乾隆丙辰舉人官瀘州知州有吟鳳閣詩鈔

金錢豹子石琢堂 韞玉吳縣人乾隆庚戌

一作顧立方 敏恒金墮人乾隆了未進士

轟天雷侯戈門 嘉緒臨海人貢

一作謝蘊山 授編修官廣西巡撫有樹經堂詩集

神算子蔣藕船 舉人官唐縣知縣有鈔吉禱室詩集

一作潘榕皋 奕隽字守愚吳縣人乾隆三十四

錢叫子陶篁村 元藻字鳧亭會稽人

一作秦小峴 瀛字凌滄號邃庵無錫人乾隆三十九

玉簫竿汪劍潭 廣西府同知有沙江晚霞才退諸集

一作鐵梅庵 保字治亭東鄂氏滿洲正黃旗人乾隆壬

兩頭蛇徐龍友 夔長洲人諸生著西

一作周迓村

準字欽萊長洲人
諸生有虛室吟稿

雙尾蝎李容山

果字碩夫長洲人
有石問集詠歸亭詩鈔

一作張榮夫

錦芳號藥房進士
順德人乾隆

小尉遲陳桂堂

廷慶奉賢人字兆桐
乾隆辛丑進士官辰州府知府有古華詩鈔

一作孫蓮水

韶江甯人諸生
著春雨樓詩畧

病犬蟲趙良甫

函震澤籍諸生著樂潛
堂詩文集菊潛庵賸稿

一作蔣立厓

業晉字紹初長洲人
乾隆丙子舉人官漢陽同知有立厓詩鈔

金眼彪屠琴塢

俶字孟昭錢塘人嘉慶
戊辰翰林官九江知府著邪溪漁隱詞是程堂集

一作范瘦生

起鳳字紫庭
寶山人諸生

鬼臉兒薛香聞

起鳳字皆山吳縣人
乾隆二起鳳字皆山人有香聞居士稿

一作楊簞山

之灝婁縣
人諸生

催命判官沙斗初維杓長洲人布

一作黎簡民簡字二樵順德人

中箭虎宗芥帆聖垣會稽人乾隆甲午

一作崔幔亭龍見永濟人乾隆二十

花頂虎巖道甫長明號東有江甯人官侍讀有秋山

一作英夢堂廉字計六漢軍鑲黃旗人雍正十年舉人

沒面目金壽門農字冬心錢塘人布

一作張浦山庚號衣田秀水人監生

青眼虎李載圍符渭

一作鄭楓人漢字晴波儀徵人乾隆二十七年舉

笑面虎詹石琴應甲字鱗飛號湘亭吳縣人乾隆戊

一作吳白華官左都御史有乾隆癸未進士

通臂猿畢子筠華珍太倉人浙江嘉慶丁縣知縣乾隆丙辰

一作王載揚薦舉博學鴻詞著鶯脰湖莊集

操刀鬼汪小海淮相鄉人有一卷

一作屈悔翁復字見心蒲城

菜園子童二樹銘字二如改二樹號璞岩會稽人著竹嘯集抱影廬詩鈔

一作金棕亭北燕全株人乾隆丙戌進士

小遮欄許青士乃濟字作舟仁和人嘉慶

一作沈雲椒初字景初平湖人乾隆癸未榜眼歷官至戶部尚書謚文恪有蘭韵堂集

活閃婆林遠峯錫龍巖人布衣有雙樹生詩草

陰道神鄭板橋變字克柔興化人乾隆丙辰恩科進士官濰縣知縣著板橋詩鈔

隱姓埋名頭領四貧

金毛犬

白日鼠

六尾龜

鼓上卓

額外頭領附錄

黃面佛彭尺木

紹升字允初長洲人乾隆己丑進士有三林居士觀海詩集

秦雲擷英譜

長沙葉氏刊

重刊秦雲擷英小譜序

嚴侍讀長明秦雲擷英小譜一卷皆乾隆時秦中諸伶小傳中雖雜入曹宮允仁虎錢明經站兩篇其主名固仍屬於侍讀也諸先生激揚秦俗託興榛苓凡秦伶一技一長無不賴其噓拂然於聲色藝三者之外本不能別有見長乃每推論題外之文不惜連篇累牘如因小惠工唱而泛及樂律五聲此雖于劇曲偶有牽連已不免于詞費若三壽傳中因其跋涉關山詳述所歷荒微險要此則喧賓奪主於文體尤屬支離至所論崑曲弋陽海鹽安徽樅陽湖廣襄陽陝西秦腔流別異同亦信手臚陳未之分辨不知崑山弋陽同爲金元北曲變體唱雖不同其戲文脚本則

同非若湖廣陝西其戲文爲七字句或十字句

三字一句者二句四

字一句者一流而爲十字

此等腳本始

於明之王魁二者之中唱各不同故所用之樂器亦不同

二黃絃索之外雜以鑼鼓梆子絃索之外全用擊筑猶之

崑山弋陽亦因唱不同而樂器不同崑山用笛板弋陽用

鐘鼓也

今南方通行弋陽腔謂之高腔不用鐘鼓改用鑼鼓蓋取其便也

侍讀自謂知音

於南北戲文源流全未深考殆當時迷于色藝固未嘗一

檢視其腳本耳戲文腳本之不知乃斷斷談律呂辨宮商

豈不繆哉夫崑曲雍和爲太平之象秦聲激越多殺伐之

聲北曲惟見董解元西廂已不知其演唱之法又有關公

單刀會昭君和番二闕單刀會僅寄存於弋陽腔中和番

則習聞於長沙妓院蓋自明萬曆中魏良輔梁伯龍改北曲爲南詞臧晉叔復舉元人百種曲肆行點竄移就吳音于是崑曲代興遂纘北統弋陽並起亦復旗鼓中原自明季逮國朝嘉道間三百年來京師吳越皆崑曲流行弋陽則與湖廣調並行于江西湖南北廣西然仍以湖廣陝西兩腔爲兩大宗派湖廣行于南方陝西徧于北地由其戲文淺俚聞者易知士大夫樂其俳優社會間便于習慣故聆音之君子亦有取焉咸同之交徽人程長庚楚人余三勝於湖廣調中精求所以調聲運氣之法一唱三歎聽之使人蕩氣娛神世稱京二黃二黃者黃岡黃陂在荆湘亦稱爲漢調二黃旣熾崑曲遂微獨秦聲以甘涼之雄猶稱

勁敵論者謂聲音之道與世運相轉移漢調之奪崑腔爲文化將退之漸秦聲之勝漢調爲人心不靜之機當乾隆盛時兩川用兵秦中地當孔道兵徭之困苦將士之喪亡西北一隅皆殺氣所蒙羃而其時南人宦遊斯土者相率金迷紙醉沈溺于北鄙之音是殆氣機所感動莫知其然而然光宣季年京朝官酷喜秦聲幾如侍讀之阿好不數年革除事起九鼎遂遷季札觀樂而歎德衰師曠歌風而知聲死世運之隆替胥於聲樂兆其端侍讀此書比之稗官小說猶有可觀錄而存之亦足見人情好尚異同於國家治亂興衰實有隱相維繫之道矣歲在疆圉大荒落孟娥月始雨水葉德輝序

秦雲擷英小譜序

村連韋曲地本繁華路入秦川人工綺麗南樓上日已多
陶寫之歡北府高才更作嬉遊之會感越鄉於莊舄豔集
梨園甄妙伎於秦青名高菊部兩牀絲竹過雲停玉女之
盆五夜燈毬醉月上銅仙之掌沈隱侯腰肢漸減不妨自
訟分桃張曹椽婉變良深寧惜微吟攬袴酒醜香濃而後
第厥聲容風迴雪舞之餘科其標格如分花譜天彭固冠
羣芳譬志泉經康谷奚殊上品鏡諸梨棗足媿潛夫供奉
之篇刻以茗華差同甫里小名之錄賦督郵之邃未礙談
經聞迦葉之琴何嫌學道羨此日君能好事鍾情各擅三
英倘他時我續前遊選勝應須四美蘭泉王昶

題詞

吳江 徐晉亨 元九

萬千紅紫古長安到眼芳菲著意看韋杜名花都賞遍風

流何似素心蘭

瑱兒木名素

玉顏憔悴向秋風鏡裏看花色相空料得西冷春寂寞海

棠染作淚痕紅

色于于夏四月自秦之浙欲依孫方伯西林先生今西翁謝世不知流落何處矣

鍾呂箏琵琶雜賞音風懷跌蕩寄高吟

謂嚴侍讀道甫

眼中尤有銷

魂種潭水桃花深復深

祥麟

玉山筵上正逢春記得花開白似銀

銀花

莫折柔枝移別院

應須留伴苦吟身

謂錢明經獻之

十載簪毫侍從臣偶因攬勝入西秦

謂曹侍讀習庵

思王才跨應

劉輩剩有閒情賦洛神

三壽

聞說涼州更隴州如何踪跡漫淹留寶文園正抱相如渴

誰解琴心一片幽謂琅琊公子

銀漢迢迢路正賒佳期渺渺悵何涯幽庭添得新秋意閒

煞牽牛一樹花喜兒舊名牛兒

渭河北去舊知名一曲霓裳四座春西地梨園三十六與

郎細細辨秦聲小惠兒

神仙偶現動離情苦恨匆匆唱渭城誰道人間忽天上佛

幢蘭若證三生竹林為秋帆先生家歌兒余于丙申秋南還竹林同素兒色子祥麟相送青門外戊

戌夏復至節署已下世

珠鄰壁郎合作歌含情含笑弄迴波可憐惜別江南客秋

雨秋風柰爾何

慧是文人俠是仙
傾城不獨鬪嬋娟
玉郎解道風流甚
何處相逢不可憐

一卷新編寫別情
新從秦嶺覓雲英
燈昏讀罷人何處
正打譙樓第四更

秦雲擷英小譜

色目

祥麟

三壽

銀花

小惠

寶兒

喜兒

瑣兒

色子

金隊子雙兒拴兒

太平兒

四兩

豌豆花

秦雲擲英小譜

祥麟

江寧嚴長明冬友

申生祥麟者小字狗兒居渭南故農家子狀妍媚而性謹
摯不爲父母所悅會關中饑將食他郡以祥麟寄鄰家鄰
人責以治地怠則鞭撻之不能堪乘閒乃逃入藍田山復
越秦嶺而西晝食卉木夜就巖厂棲其身凡數月時方熇
暑入山益深一日坐崇阜下窺洞穴林蘊蔽之入其中假
寐須臾黑煙歎入如火燎毛髮有聲亟穿穴出有巨蟒如
甕盎不見其首尾掉洞外毒霧羃之高三丈許驚仆地墮
土室中醒後自視身首黝黑如漆就山中乞食羣呼噪指
爲鬼物以刃挺毆逐之自分必死亡何見灌莽中有物若

栲栳狀方飢甚剖食之漿白如乳數日後覺體中癢癢不可耐就溪澗浴膚理忽蟬蛻而貌轉靡嫚嫩于前祥麟故習秦聲出山後由漢中渡江南至武昌其地有胡妲者藝頗精求其指示欲藉以假食不肯授轉喏同輩挪揄之憤棄去傭于金彈兒家金彈兒漢陽名倡也祥麟事之見其一舉一笑一舉止一飲食寤寐明姿冶態備極諸好居一載喜曰吾得之矣復請奏技觀者盡傾如壯悔堂所傳馬伶演鳴鳳記故事也又數月夜宿旅店忽有白刃自牖飛搯其首亟避出視之卽胡妲也知其地不可居卽日返渭南方祥麟始去也年十六又四載歸入室後父母尚在亡有云見之山西者復棄家渡河由蒲州售技至太原訪之

一日者演劇于沈竹坪觀察署廉從列侍中有老叟似其父時方登場瞥眼不覺失聲詢其故令相識認果然其母亦在署間亟趨出抱持之各相視慟不能起座中皆泣下觀察感動厚贈之令與俱歸返舊居置田五十畝於滄河川原上將事親以終其身焉乾隆乙未歲余客長安蘇顯之前輩自太原來與祥麟習道其尋親事特詳余爲之心動物色之時年已二十餘容貌中人耳然至逢場角藝姿態橫出精彩相授余學道且老尙自覺瞿然失據斯其服媚固有術哉丙申南歸欲挈以往重利啗之以親老固辭歸後得舊遊書具道祥麟感余意厚每言及必太息再四至雙淚交睫信乎其至性有過人者而顯之之所述亦誠

不余欺也因其請特爲之表著復附陳其平時所歷歸之時戊戌春六十四日

三壽

嘉定

曹仁虎

習菴

余引寓青門於丁酉七月遇三壽於田商山太守署中時始學爲秦聲見人悚慙不敢前初未之異也明年二月復于宋慎亭臬使座上見之是時年十六矣不施脂粉而天然妍媚迥異曩昔少頃登場曼聲徐引四座盡傾余稍稍心動三壽亦於稠人中數目余然實未接一言也逾月中丞節署演劇三壽與焉始造余齋與之談楚楚可聽因得悉其出身始末三壽本趙姓四川綿州德陽人世居縣北之黃甘堰爲農家子數歲而孤其母挈以轉適人而所適

之家仍酷貧三壽有兄在成都爲綾戶傭乃走會城依其兄以居值年飢復不能共存活有咸陽張姓者負販至川見其娟秀乞爲假子張由邛州西走打箭爐復自打箭爐回蜀取道秦棧以歸三壽年十四徒步從之蠶叢鳥道奇險萬狀路經天全州西之馬鞍山山外爲三十種生番界時方初春積雪亘天白光炯炯射人眸子不可正視三壽躡敗屣延緣絕壁間罡風吹之翕翕然時欲下墮不自知足之何以運而身之何以前也所過鐵索橋二十餘道皆下俯不測之淵始則臨崖瑟縮不敢措趾旣而自慰一身如葉隨風飄蕩賦命窮薄不如無生頓覺無有恐怖緣空疾走如履平地矣三壽貌孱弱如女子不能勝衣見者初

不料其足繭萬山曾從旄牛徼外跋涉而來也三壽既畱秦顧時時念其母不置私積半載所蓄得白金二十兩不以告人有覺之者謂其將以供遊蕩資也會郭太守耐軒由蜀中轉調陝西候補一日置酒延客三壽乘閒長跼乞以書寄其母而所蓄之白金在焉郭君憐其誠笑而許之爲函致其家同業者多爲三壽危曰汝師及汝假父方利汝金知汝以金寄歸行將毒汝三壽曰自吾離家後吾母謂吾轉于溝壑久矣今幸尙存何可不使吾母知也殆其天性有過人者耶三壽每至余齋依依不舍去捧書拂紙執役如僮僕狀偶酬以金輒辭問所欲則曰吾母在德陽而吾隨人至此欲歸旣不能習爲伶實非願也且人方以

晉漁利而又虐以求之吾何以堪計可脫吾于苦海者惟
主人耳倘蒙主人恩許相隨至京雖死無憾言已淚泫然
下余婉言慰之自是每相見必以此要余余萍踪偶寄行
且儼裝歸而三壽方以色藝稱於時余自度力不足以致
三壽恐終虛其願而又不欲沒其意也爲記其實如此戊
戌端午節後三日寓西安使署之靜寄園書

銀花

嘉定錢坵獻之

銀花姓張氏隴西人家貧父母早喪年十二咸陽張某鬻
爲假子將往成都挈以西南行時乾隆三十六年也銀花
性蕩逸工弦索張亦習秦聲時方用兵金川張以其地人
眾可漁利因居奇爲乾沒計并市金珠盛服飾銀花以爲

餌黃緣附東南兩路大營比至眾果悅之流轉軍中五載而後得歸余再至西安之明年戊戌三月偶與嚴冬友侍讀觀劇節署有演琴操春遊事者舉止嫺雅意賞之喚以來言訥訥若不出口翼日復來謁則屢服襤襤然畀之衣不受訝之冬友笑謂余曰此子蓋隨某統軍來者聞其在宜喜時居區脫中輒傅粉施小朱衣錦褙纓絡承之辮髮雙委地綴以明珠貫鏤金約腕累數十每營門月落譙斗無聲則延緣鹿角奏蠻中歌曲雜箏杷音調淒婉聞者泣下軍中比之唐時李可久云余駭勿信因詢以彼中地域自宜喜以東至達爾圖當噶山北至日旁山楸底凡山梁礪卡所設險要按圖皆合并云其地山皆峭壁須架木層

累而上更上復于巖罅中置木土人謂之擎柵但每一壁必高數百仞稍頓足卽墮地死或下積冰雪則三四人抱臂坐頂上乘勢疾駛如順灘之舟頃刻數十里月必一再遇視秦中棧道奇險百倍當時行止不得自主今追憶猶若憺之其去南路皆嶺也以三十八年六月七日先期出故不及難銀花言軍中每食麵斤錢千食餽餽一錢百布粟貴金帛賤所有什物皆隨手散落張復先棄之歸故卒至無聊賴丙申正噶喇伊破統軍先露布行從至秦戒曰汝義父在可畱此此銀花所由至西安也銀花貌不過中人恂恂有儒士風不意所歷奇崛若此士人守專室執槁簡呻吟窮思幽窅鉤心險仄自謂于世無不可知得銀花

之說又渺若河漢矣因泚筆付之

小惠 寶兒 喜兒

嚴長明

曲部中以聲擅長者曰小惠秦中各州郡皆能聲其流別
凡兩派渭河以南尤著名者三曰渭南曰盩厔曰醴泉渭
河以北尤著名者一曰大荔小惠大荔人也余稅駕周南
畱滯中丞節署時王夢樓太守莊虛葺明經畢竹嶼部郎
竹濤郡丞杜防如朱秋巖王丹峯張止原諸上舍咸在焉
諸君子生長吳越習聽崑曲余于南北九宮亦稍諳尺度
按部選聲無閒昕夕然偶值燕會坐有秦聲則相與引避
頽首回面若將浼而去之一日者小集田商山太守署商
山久官隴右耳熟秦聲引余共欣賞之余以苦顛眴辭小

惠故與余習乘閒請曰君固識曲聽真者乃亦復爾耶叩以故曰君試抑志暫傾聽之數閱而後仍以爲不入耳塵某等去未晚也心異之曰子姑出所長以試比登看場甫發聲覺小異再聽之其聲清而揚中商調有頃換羽移宮穿絲咽革纏肩繞脰變態無方盡一日夜始畢其技歸後同人怪問之余曰天下事徒驚虛名以徇眾志未有不敗乃事者今于秦聲崑曲見之矣蓋秦聲與崑曲其中有同者有不同者識其所以同則聽秦聲無異聽崑曲也識其所以不同吾恐聽秦聲不復聽崑曲矣諸君愕貽請畢其說余曰演劇昉于唐教坊梨園子弟金元開始有院本一人場內坐唱一人場上應節赴焉今戲劇出場必扮天官

引導之其遺意也院本之後演而為曼綽俗稱高腔在京師者稱京腔

為絃索曼綽流于南部一變為弋陽腔再變為海鹽腔至

明萬曆後梁伯龍魏良輔出始變為崑山腔絃索流于北

部安徽人歌之為樅陽腔今名石牌腔俗名吹腔湖廣人歌之為襄

陽腔今謂之湖廣腔陝西人歌之為秦腔秦腔自唐宋元明以來

音皆如此後復聞以絃索至于燕京及齊晉中州音雖遞

改不過即本土所近者少變之是秦聲與崑曲體固同也

至言其用四聲同也二十八調同也聲之中有音喉齶舌

齒唇是也調之中有節高下平側緩急豔曼停腔過板是

也板之中有起有要有底眼之中有正有側聲平緩則三

眼一板惟高腔七眼一板聲急側則一眼一板又無不同也其中

微有不同者崑曲佐以竹秦聲閒以絲然樂器中九調自

乙調正宮六字凡字小宮尺字上字諸調絲與竹皆同也

秦聲所以去竹者以秦多肉聲竹不如肉故去笙篴但用

絃索也崑曲止有綽板秦聲兼用竹木俗稱椰子竹用所

以用竹木者以秦多商聲詩含神霧商主斷割邯鄲綽五故用

以象控楫樂記鄭注聲祝祝然取義于止也釋名且也商聲

駛烈元覽綽板聲沉細僅堪用以定眼也昔唐明皇與太真

按樂清元小殿所用樂器凡七靈王玉笛李龜年麝栗而

外上羯鼓妃子枇杷馬仙期方響張野狐篴篴賀懷智拍

板手操實居其五可知秦中用以節聲者唐時已若是矧

玉笛與麝栗崑曲亦在所不用哉至于九調崑曲止用七

調無四合也七調中乙調最高惟十番用之上字調亦不
嘗用其實止五調耳若正宮音屬黃鍾為主之主乃自有
崑曲二百餘年惟蘇崑生發口即中中聲畢生所誦皆正
宮調嗣響者婁江顧子惠施雲章二人耳近日歌崑曲者
甫入正宮即犯他調犯入他調亦非中聲至秦中則人人
出口皆音中黃鍾調入正宮而所謂正宮者又非大聲疾
呼滿堂滿室之說也其擅場在直起直落又復宛轉關生
犯入別調仍蹈宮音如歌商調則入商之宮
歌羽調則入羽之宮樂經旋相為
宮之義非此不足以發明之所以然者絃索勝笙笛兼用
四合變宮變徵皆具以故叩律傳聲上如抗下如墜曲如
折止如槁木倨中矩勾中鉤累累乎端若貫珠斯則秦聲

之所有而崑曲之所無也昔周有韓娥秦有薛談秦青漢有虞公李延年唐有方等女郝三寶等在昔相傳樂王曲聖莘莘藜藜然皆秦人非吳人也至于英英鼓腹洋洋盈耳激流波濤梁塵聲振林木響遏行雲風雲爲之變色星辰爲之失度又皆秦聲非崑曲也若夫調中有句句中有字字中有音音中有態小語大笑應節無端手無廢音足不徒跗神明變化妙處不傳則音而兼容在秦聲中固當復進一解又無論崑曲矣彼哉耳食之徒竊附賞音曰聽崑曲亦未知崑曲所善者何在况能別崑曲所不善者何在乎言未旣夢樓虛莽諸君動色曰止請歌秦聲于是次日復令小惠奏技諸君咸曰冬友洵知言者誠不我欺自

是凡雅集皆命秦中樂伎而與崑曲漸疎遠矣繼而錢竹
初大令自毘陵來公燕環香堂聽小惠歌甫入耳卽笑拍
余肩曰此霓裳羽衣遺響也又一載曹習庵宮允錢獻之
明經相繼至習庵獻之初聽尙格格不相入不數日亦拊
掌稱善是知聲音之道不惟善聽亦以其善感也小惠姓
樊氏名雲官其同部中有寶兒者長沙人家于蓋屋其次
有喜兒一名長安人皆工同州腔卽大荔腔也與小惠埒惟是
同州腔有平側二調寶兒多側調不能高其弊也恐流爲
小唱喜兒多平調不能下其弊也恐流爲彈詞則又審音
者不可不知然較他部中所歌固已侷乎遠矣

瑣兒

嚴長明

曲部中以色擅長者曰瑣兒余幼耽冶習中歲薄遊吳越
維揚十餘載訪豔徵歌殆無虛日然究不知繫古所稱映
珠冠玉乘羊車執麈尾者果何其人也及年逮中陰精
膽銷鑠愛流已涸情網不萌比歲遊秦益增罔泐稱貞縮
屋春非我春閒有契好以顧曲相邀者則以陳思王語婉
謝之曰予願清虛未暇此遊也一日者偶與夢樓太守飲
節署之四來堂頌酒之暇倏舉杯相屬曰足下以解脫因
緣劇除結習誠善變矣然此閒曲部中有三絕亦不可不
知也叩之曰有祥麟者以藝擅絕技也小惠者以聲音擅
絕唱也瑣兒者以姿首擅絕色也余以夢樓斯道總持所
言應不謬姑聽之請先觀瑣兒是時方用兵西徼秦中當

兩川孔道輜軒絡繹讌會頻煩須瑣兒來往承直其間以故數月中卒不得一見又一日中丞偶邀觀劇卽瑣兒所領曲部也諄命之務期其來余私心喜至日辨明起盛服以待比日午不至問之則戟轅將士方擁之相酬酢也又數刻不至則蓮幕友人方帶之道契闊也余薄怒謂來告者曰此子固天上人耶余塵土友請弗敢見少頃登場亦以病辭不復出逾半載秋氣寢深余方苦寥泐躡步牆東倏畢上舍道先偕一少年姍然至止驚視之神姿高澈如瓊樹瑤林出風塵外因亟前揄袂相語曰子其瑣兒耶曰然曰胡爲來者乃跪而請曰君與盭屋令相善乎曰故交也曰余固盭屋農家子姓桃名朱有小弱弟父母以食貧

故鬻村中某爲子聞近以奴畜之心不忍欲視前所得十
倍償之但事已十載餘必得縣令一言而後可余曰此友
愛事也適徐元九文學至因致語未幾札來曰其弟已在
可親領之瑣兒因是還蓋屋時方九日車騎入城閒雅甚
都城中羣聚觀之或數十人至數百人遮馬首不得前比
入署人益眾擁門外漸及堂廡如堵牆不能復出蓋屋令
憂之亟遣壯丁十餘輩以兵衛送去城三十里至黑水峪
始得還其家瑣兒性故恬憺雖習處華靡非所樂歸後畱
鄉村日與農人共事力作然容色之皎麗服色之鮮華田
中刈穫時兩臂金玉腕闌尙著至數十串鄉里咸訝之日
往觀漸至鄰近數十村落轉相告語拉蹶貽仁不勝煩苦

因于丙申冬復至長安時余將南返匆匆不獲相見戊戌
再入關詢及瑣兒時方膺消渴疾呼之至則神蓋形茹似
不任乎羅綺雖靜好有餘而昞麗亦少減矣願數數省願
余亡何有某冬烘者詣余齋見之曰此五行傳中所爲人
妖也胡爲至于此余笑應之曰君政坐讀五行傳不熟耳
志曰五事一曰貌貌之不恭厥咎爲金沴木木歲星也歲
不登民多被刑或容貌醜惡西秦于義爲金金水相生木
氣條達歲序屢豐於人亦多嫩好固其理也莊生不云乎
藐姑射之山有神人居焉肌膚若冰雪綽約若處子吸風
飲露使物不疵癘而五穀熟其在斯人歟其在斯人歟某
聞之乃匿笑而去

色子

曹仁虎

色子姓岳名森玉長安人以小字行藝少不及祥麟聲少不及小惠色少不及瑣兒而能奄有諸人之勝曲部中之劉真長也以故名噪一時所至咸欲下交之不數年席厚貲爲富家子色子固與三壽同部因三壽往往過余齋通款洽如平生歡一日來過神色悽惋曰余將與公別叩以故則隨莊虛菴詣某大藩也余曰某大藩余同年友清介素著未聞與子周旋莊公賦性妍華然近於積習頗事屏除恐于子事未能大有濟也色子泫然曰如公所言固人情之常必薦枕而後爲歡挂冠而後爲密者也豈知天下相感固有在語言形跡之外者非我解人莫之能識也時

意其妄言亦姑妄聽之未幾其所領部至節署演劇色子不與呼三壽詢則已隨虛菴南出關三日矣

金隊子雙兒拴兒

太平兒
豌豆花

四兩

嚴長明

西安樂部著名者凡三十六最先者曰保符班保符班有太平兒姓宋名子文色藝素佳余至關內時以年長不復登場小惠瑣兒寶兒喜兒皆隸江東班雙賽班故晚出稱雙賽者謂所長出保符江東上也後以祥麟色子至又稱雙才班南如三壽字友泉銀花字義兄弟來最後亦同在此部及色子赴浙中眾又戲呼南如爲賽色子云惟是色藝難兼性行各異余初至時有四兩去者臨潼人色差遜于瑣兒後又有豌豆花者三原人聲差遜於小惠至藝均可步

祥麟後塵二子畱會城惜皆不久去金隊子者姓劉氏體
泉人雙兒者姓白氏咸陽人所隸名錦繡班小有色藝然
固涇陽曲部也以余輩賞之遂畱西安不復歸又拴兒居
富平某部署中賈拜三上舍常稱之後莊虛菴署令時挈
以至西安數子皆一時之選也昔潘之恆金陵妓品有前
輩風高閉門未面遠遊他適三等則此外當復大有人焉
然而繁華流蕩君子弗欽余雖雅志閑情亦在所不敢請
已

吾鄉潘之恆有秦淮劇品豔品諸作祖唐人小名錄元人
點鬼簿爲之皆記曲中士女殿最焦文端序之謂其盤遊
無已太康而辭致無妨大雅也祥麟與余識最久三壽銀

花以次至選者當筵奏技例有纏頭之贈一日三子乘閒請曰某等賤質荷君子知辱贈多矣然一朝之惠也倘破格寵以一言則賜在畢生矣習庵獻之並嘉其意卽席揮毫付之次日諸子復牽連以請未能峻卻醉墨離披漸亦不復省記矣未幾蘭泉前輩札至云於都中見梓本豔其事以弁語來叩之諸子則以索觀者累苦于錄副付鏤木家以傳不知何緣流轉至京師也昔香山有贈妓阿軟詩云綠水紅蓮一朵開千花百草無顏色旣而忘之元九見於通州壁上錄以寄省因復賦曰偶助笑歌嘲阿軟可知傳誦到通州此長安舊事也頗相類因具委曲於後異日樂苑中必有侈爲佳話如滎陽氏書者是歲秋分日秦中

贅叟嚴長明

此冬友先生由關中南歸檢贈先大父者護而題字爲先生親筆書咸豐癸丑粵寇陷金陵廬舍圖書同歸一炬此本以伯兄宦蜀攜入行笥中幸未罹劫友人擬以活字排印行世亦此書續命湯也光緒乙亥花朝祖志漫記

德輝按祖

志者錢唐袁荆甫也爲隨園先生第三孫流寓上海

书名
前言
正文